

思 舜

浙音釋字琴譜：（明弘治四年前即 1491 年前）

第一段 聖德遐思

有虞歷有周，相去千有百餘秋。往事何悠悠，追思下上心無休。大舜有大焉，取人以爲善。舜好問而的那察邇言，大知焉，隱惡而揚善。聞善言若決江河，的那即沛然，思綿綿。

第二段 嗣統攝位

思帝舜焉，昕夕心懸懸。嗣堯位業業而致孝，孳孳也而爲善。謹徽五典也皆克從，而無違教焉。納百揆，實四門，百揆時敘，而無違事，而無凶人焉。歌訟皆歸之，而無那異詞焉，朝覲會同歸之焉。既陟帝位，天道的也奉所當先，奉所當先。

第三段 任賢使能

在璿璣，在玉衡，舜呵，以齊七政，講事神禮焉。類于上帝，禮六宗，望山川。徧羣臣焉，去四凶焉，舉十六相在朝焉，諮四岳，明四目，達那四聰，咨那十二牧焉。食哉惟時，柔遠人能邇焉。大舜大焉，有大焉，仰思大舜也，此心呵懸懸，懸懸。

第四段 益民興教

命九官，宅百揆，命稷播百谷，契敷五教，臯陶明五刑，益掌虞公事夷，夔典守禮樂職焉。官納言，命龍任之，設官內外的那相維焉，是其責實之法乎。三載那考績，既嚴於始。黜陟幽明，尤嚴於終。舜之爲治，雖曰有資益於人，實本乎天也。

第五段 奉天明命

咨汝二十有那二人，欽哉。惟時亮天公，無曠庶官，人其代之。天敍有典，敕五典使益厚之。天敍有那五禮也，敕使益明之。天命有德何如之。五服之章，以示其賞，天討有罪何如之。而五刑之用，以示而罰之，罰之。

第六段 民相自治

德洽民心，是乃恩被動植，比屋之可封。四夷來王，天下大治。無爲而治者，正此其時。

第七段 神格物祥

追思大舜何休兮，樂奏兮，堂上祖考來歆兮。追思大舜何休兮，韶九成，鳳凰來朝儀，神格物祥，嘯嘻。

第八段 君臣相戒

君臣不以自治足，克艱戒，大禹陳焉。警戒那無虞，罔失乎那法度，那輔臣伯益也又陳焉。兢兢業業，一日二日萬機，臯陶也一又陳焉。

第九段 報效無能

追思大舜，大舜，作歌兮，敕天明命，惟時那惟畿。文王，文王，今日想像兮，有如當時陛下親炙形儀。追思德被兮，同天地，蔑有加於此矣，